



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

85. Considerando, quomodo Christus Dominus in Passione sua Homines
aptaverit ad reparandas Angelicas ruinas.

urn:nbn:de:hbz:466:1-45427

amicis suis. Exaggerat vero hoc amplius Paulus, *Rom. 5. 10.* qui dicit nos non amicos, sed *cum adhuc inimici essemus,* dilectos esse, *atque reconciliatos Patri per Christum:* Quam etiam charitatem idem Paulus *Luc. 9. 21.* nimiam vocare non veretur, sicuti & Lucas excessivam aut potius *excessum* ipsum. Porro totam hanc suam erga nos charitatem ipsemet Christus suæ erga Patrem dilectioni attribuit, tanquam ei, cuius solius gratiâ nos ille dilexit. Nos enim cur amaret omnino nullam aliam causam habuit, ideo sese Passioni accingens dixit discipulis. *Joan. 14. 31.* *cognoscat mundus, quia diligo Patrem, & sicut mandatum dedit mihi Pater, sic facio.*

Plus quàm ergo Seraphicam exercuit charitatem Dominus IESUS Christus Salvator noster, in omni quidem vita, at potissimum in Passione, & morte sua. Neque potest cogitari actus ullus magis Seraphicus ipsâ Christi Passione: cuius comparatione omnes Seraphinorum actus, omnesque ardores, merum gelu, merumque frigus sunt.

MODUS LXXXV.

Octogesimus quintus meditandi Passionem Domini Modus esse potest. Considerando quomodo Passione suâ Dominus noster nos homines aptaverit, ad restaurandas implendasque Angelicorum Ordinum ruinas. Constat enim cum Lucifero, seu Dracone rebeli magnam quoque multitudinem Angelorum apostatasse à Deo, neque servasse suum principatum, sed rudontibus inferni in tartara detractam. Hanc etiam Apostasiam constat non ex uno tantum aliquo

S:
 6 i
 oper:
 JON
 N
 5

aliquo ordine choroque Angelorum contigisse, sed ex diversis, atque probabile esse, quod ex omnibus. Constat denique ad Dominum nostrum Jesum Christum pertinuisse, atque aded etiam re ipsa peractam esse hanc reparationem ruinarum Angelicarum: ratione cujus reparationis, Christus, Caput & Dominus est etiam Angelorum, ut sit totius Civitatis Cœlestis Hierusalem Princeps, & Caput & Rex. Cujus rei plures videntur esse assertiones in divinis literis. Talis est, cum David loquitur de Christo: *Judicabit in nationibus, implebit ruinas; Angelicas haud dubiè, supplemento ex hominibus à se redemptis accepto. Qui etiam Propheta DEUM precatur pro eadem instauratione Angelica, cum ait: Benigne fac Domine in bona voluntate tua Sion, ut ædificentur muri Jerusalem, cœlestis utique non terrenæ: neque per alios, quàm per homines illuc aptatos, inique dispositos. De qua eadem civitatis cœlestis per homines à Christo redemptos completionem Apostolus Paulus sæpius loquitur; ut cum ait: Accessistis ad Sion montem, & Civitatem Dei viventis, Jerusalem cœlestem, & multorum millium Angelorum frequentiam, & Ecclesiam primitivorum. Et alio loco ait. Deus proposuit in dispensatione plenitudinis temporum, instaurare omnia in Christo, quæ in cælis, & quæ in terra sunt, in ipso. Plura adducere testimonia Sacra, supervacuum duco, unum tamen afferre libet, de Christi Domini Principatu etiam super Angelos, de quo graphicè videtur loqui Apostolus quando commemorat Dei Patris operationem potentia virtutis, quam operatus est in Christo, suscitans illum à mortuis, & constituens ad dexteram*

Pf. 50. 20.

Hebr. 12. 22.

Eph. 1. 9.

Eph. 1. 19.

Handwritten notes on the right margin, including the word "Sion" and other illegible characters.

Paulus, inimici, Patri per Paulus, cas ex, toram, Christus, anquam, os enim, habuit, alis. Ut, ut man-, t chari-, nofter, Paulio-, ri actus, fione:, n actus, rumque, tionem, iderant, ter nos, tendas-, Constat, li mag-, apolita-, um, sed, Hanc, tantum, aliqui

ram suam in caelestibus, supra omnem principatum, & potestatem, & virtutem, & dominationem, & omne nomen quod nominatur, non solum in hoc seculo, sed etiam in futuro. Et omnia subiecit sub pedibus ejus: & ipsum dedit caput super omnem Ecclesiam, quae est corpus ipsius & plenitudo ejus. Clara sunt Apostoli verba, si cui tamen luce videntur egere, Interpretes adeat. Nunc ego quomodo per Dominicam Passionem homines disponuntur preparanturve ad reparationem Angelicarum ruinarum, paucis attingo.

Inexhausta siquidem Pietas & Mansuetudo Christi, praecipua quaedam ratione in Passione ipsius elucens, qua etiam inter alia pietatis opera, & operam dare se protestatus est Aeterno Patri non se perdere quenquam ex his quos ille sibi dedisset, praeter filium perditionis; & in ipso aestu furentium in se hostium Malcho auriculam restituit, Petrum verò nimio terrore, à suae confessionis promissâ constantiâ dejectum, benignissimo oculorum suorum conjectu, ad poenitentiam sauciavit, & lamentatrices suas piissime affatus, consolatusque est, & in Societate cruenti crudelisque supplicii consortem Regni Aeterni Latronem invenit, an potius fecit, & denique pro crucifixoribus suis transgressoribusque Patrem rogavit, hac pietate plus quam Angelicâ, Angelicam nos pietatem, erga nostros proximos docuit, reparandæque Angelorum ruinae idoneos fecit. Pietas enim in fovendis proximorum praesertim animabus Angelica virtus est; sicut odium proximorum, proprium est demonum.

Jam

S:
 G:
 oper:
 Jon
 N:
 S:

Jam verò Prædicatio veritatis, & testifica-
 tio atque enarratio mysteriorum fidei, pro cujus
 doctrina & assertione Dominus JESUS animam
 suam posuit, nosque ad ejus testificationem
 coram principibus, & populis terræ, tam verbo,
 quàm magis exemplo animavit, dicens; *qui me* *Matt. 10. 22.*
confessus fuerit coram hominibus, confitebor & ego
eum coram Patre meo, & coram Angelis. Hac
 ratione ordinavit instruxitque nos, ut ad Archang-
 gelos pertingere possimus, quibus in eo simi-
 les reddimur, quia ad Justitiam Dei alios eru-
 dimus, & viam Dei, ejusque tum præcepta, tum
 consilia, in veritatè docemus, atque prædica-
 mus.

Porro dum in Passione Dominica virtutum
 heroicas operationes, generosamque Christi
 crucifixi imitationem, atque crucis ejus post
 ipsum bajulationem, opprobriique ejus porta-
 tionem addiscimus, & eam quà verbis, quà ope-
 ribus, quà mentis affectibus adimplemus, vir-
 tutum Angelicarum ruinis instaurandis idonei
 reddimur. Ubi enim dilucidius virtutes Christi
 Domini heroicæ, atque etiam exemplares, vel
 elucescunt, vel ad sui æmulationem provocant
 credentium animos, quàm in ejus vita, ac potis-
 simùm Passione? Quare ab ea specialissimè parte
 tum in animo virtutibus ornatur, tum etiam in
 cœlis virtutum choro inserimur.

Ad Principatus autem conscendimus, quan-
 do ex Christo Passio in carne, & nos eadem cogita- *1. Petr. 4. 1.*
 tione armamur, mortificationemque Christi in cor-
 pore nostro jugiter circumferimus; atque juxta A-
 postoli monitum, in carne passi, & in sensibus *2. Cor. 4. 10.*
 nostris edomiti desinimus à peccatis, ut jam non

Handwritten notes on the right edge of the page, including the number 8 and various symbols.

desideris carnis, neque desideris sensuum, neque etiam desideris hominum, sed voluntati Dei, quod reliquum est, in carne vivamus temporis, tenente principatum ratione ac fide, & regente vitam conversationemque nostram divinâ lege, & exemplorum Christi imitatione.

Ad Potestatum Chorum explendum, disponit nos Passio Domini nostri, quando fide, virtute, exemplo, meritisque illius roborati, atque in potentia virtutis Domini confirmati, nec non armaturâ Dei nostri superinduti, stamus adversus insidias diaboli: quoniam non est nobis colluctatio (tantum) adversus carnem & sanguinem, sed etiam adversus principes & potestates, adversus mundi rectores tenebrarum harum, contra spiritualia nequitie in caelestibus. Quemadmodum enim, nunquam, & nullibi magis potestas tenebrarum, atque universa diaboli fortitudo contrita & confRACTA est, quàm in Passione, & à Cruce Domini nostri Jesu Christi: ita quoque & nos, quicumque in Christo baptisati, & cum eodem conscripti sumus, nullo ex armamentario armâ potentia Deo, ad resistendum nequitissimis potestatibus uberius atque certius depromimus, quam ex Christo, & eo quidem crucifixo.

Dominationum ruinis explendis à Passione & cruce Domini nostri idonei reddimur. *CruX enim Domini atque Passio, est virgâ illa virtutis ejus, emissa ab ipsomet ex Sion ad dominandum in medio inimicorum suorum,* atque etiam nostrorum. Cùm verò inimici nostri, sint domestici nostri, ac vel maximè nosmetipsi; ideo istud est præcipuum dominium nostrum per Christum, ut sciat unusquisque nostrum possidere

vas

G: —
 Bi
 oper:
 Tom
 Ne

Pf. 109. 2.

vas suum in sanctificationem, non in passionibus
 desideriorum infruntorum, nec in animo irre-
 verenti, nec in disciplina & correptione Domini,
 quam ille nobis in semetipso, ad imitandum
 sustinendumque proposuit, quando atritus est
 propter scelera nostra, & disciplina pacis nostræ
 facta est super eum. Et quidem ille peccatum
 non fecit, neque dolus inventus est in ore ejus,
 neque inventus est quisquam, qui argueret eum
 de peccato; ut testati sunt de eo, vel ipsi inimici
 ejus, Judas, & Pilatus, & Herodes; at verò nos
 in peccatis concepti atque nati, regnans habui-
 mus peccatum in nobis, & dominata est nobis
 injustitia, & obedivimus concupiscentiis nostris,
 servientes eis ad voluntatem earum, & exhiben-
 tes tam membra nostri corporis, quàm potentias
 animæ, arma injustitiæ ad iniquitatem: propter
 quod Passio Domini hoc in nobis efficere, &
 nos in hoc instruere maximè debet, quia est sola
 potestas, ut dominemur ipsis nobis, omnibusque
 tam potentiis, quàm membris; omnibus tam vi-
 tiis, quàm concupiscentiis, ita ut mens nostra
 nihil sinat, quin & (quoad fieri potest) neque
 sentiat in se inordinatum, nihil superfluum, nihil
 non ad suam, divinæque legis regulam. Deus
 autem plenè dominetur nostri juxta voluntatem
 suam sanctam, beneplacentem, & perfectam, ut
 in omnibus, tam prosperis, quàm adversis, fiat
 voluntas ejus, & nos exemplo Domini nostri,
 quæ placita sunt ei faciamus semper. Sic enim
 verè & nos domini erimus, & Dominus
 dominabitur nostri: & inter Dominatio-
 nes Angelicas erit habitatio, atque gloria
 nostra.

D. 1. 12.
 C. 1. 1.
 C. 1. 1.
 C. 1. 1.
 C. 1. 1.
 C. 1. 1.
 C. 1. 1.
 C. 1. 1.

Ad Thronos Angelicos sublevat nos etiam Domini nostri Passio & Crux. Quemadmodum enim Christus per Crucem & Passionem suam, planè in novissimo loco consedit, tribuens id humilitati, atque erga Patrem observantiæ, & reverentiæ prorsus abyssali, ut esset novissimus virorum, adeoque non homo, sed opprobrium hominum, & abjectio plebis, neque nidum, neque foveam, neque ullum omnino in mundo terræ palmum, vel cespitem, in quo suum caput reclinaret, vel pedem poneret, habens, sed inclinato, atque demisso, & pendulo capite moribuerit: propter quod exaltatus est à Deo Patre, & ad dexteram eius consedit, habens omnia sibi ab eo subiecta, tam quæ in cælis, quàm & quæ in terris, quàm quæ & infra sunt. Ita & nos facere oportet, humiliari per omnia, & propter reverentiam honoremque Majestatis, subijci

Eph. 4. 2.

omni creaturæ, cum omni humilitate, & mansuetudine, cum patientia supportantes invicem. Exemplum enim dedit nobis Dominus, ut quemadmodum ille fecit, & nos similiter faciamus, accenseamurque illis, de quibus profiteretur, quia

Isaia 66. 2.

non respiciet nisi ad pauperculum & contritum cordis, & tremementem sermones ejus. Denique ait:

Apoc. 3. 21.

Qui vicerit, dabo ei sedere mecum in throno meo, sicut & ego vici, & sedi cum Patre meo in throno ejus.

Cherubicis spiritibus associamur adæquamurque etiam per Passionem Domini. Hæc est enim vera & sola sapientia scire JESUM, & hunc Crucifixum. In Christo enim Crucifixo omnium est sicut congregatio, ita & elucidatio, atque etiam completio veritatum. Propterea Dominus JESUS ut plurimum impletionem scripturæ Dei,

G: —
 G: i
 oper:
 JOM
 N
 5

Dei, per Passionem suam urgebat: & quando post resurrectionem aperiebat sensum Apostolis, ut scripturas intelligerent, dedit eis veluti clavem ad hunc intellectum, Passionem suam, *Luc. 24. 46.* *dicens eis: quoniam si scriptum est, & sic oportebat Christum pati & resurgere à mortuis.* Atque id ipsum fecit cum duobus illis Emmaunta proficiscentibus: quibus ut ostenderet *quia hæc oportuit pati Christum, & ita intrare in gloriam suam. Luc. 24. 26.* *Incipiens à Moyse, & omnibus Prophetis, interpretabatur illis in omnibus scripturis, quæ de ipso erant.* Nimirum Passio & Crux & Mors Christi, totius est Divinæ sapientiæ thesaurus, omnium veritatum gazophylacium, omnis scientiæ atque disciplinæ magisterium, in quo quantò quis ampliùs proficit; tantò ampliùs sapientiæ Cherubicorum spirituum appropinquat; quorum Sapientia universa, Christus est.

Seraphicis denique mentibus æquiparamur, & adaptamur à Passione & Cruce & Morte Christi. Etenim ubi majora, ubi (inquam) omnibus Seraphicis flammis atque ardoribus majora, vel reperire, vel concipere est incendia, quàm in Dominica Passione. Quid est Passio Christi, nisi excessus Amoris Divini? quid est Crux Christi, nisi schola dilectionis divinæ? quæ ita Deus dilexit mundum, ut non pepercerit filio suo propter ipsum. Quid denique est mors Christi, nisi nimia Dei charitas, quæ cum exastuasset immensitas illa, omnes transgressa est limites, & usque ad nimietatem accessit? Quis quæso Seraphinus, quis ordo Seraphinorum etiam totus, me ita Charitatem ac dilectionem docebit, saltem verbis: quomodo in illa erudior, *O o 5* à Chri-

Drus
Cxi
Ascen
7. 115 III
V
8

à Christi Passione, in immensum exaggeratis exemplis, exemplorumque divinæ charitatis potentis? Omnes Seraphinorum, atque etiam omnes omnium creaturarum conversi in Deum amores, amorumque ardores, Divinæ Majestati, Dignitati, Amplitudini collati, vix sunt, ac ne quidem sunt, unius instar scintillæ oculo conspiciendæ; at verò una Passio Domini nostri JESU Christi, tantum ebullit & eructat dilectionis Dei, atque proximi, quantum Divino per omnia licet immenso cordi exfatiando sit satis. Nisi enim satis esset, nunquam Passio Domini JESU, nos inimicos, nos naturâ iræ filios, nos in servitute peccati, & diaboli sepultos, Deo reconciliasset, nunquam filios Dei fecisset, nunquam Divinæ confortes naturæ reddidisset, nunquam hæredes Dei, cohæredes autem Christi constituisset. Nunc autem omnia hæc sumus, & quidem per charitatem Christi crucifixi sumus.

Et quamvis hoc ita se habeat tamen (ah probrum vel dicere, sed plus quàm probrosissimum ita esse) tamen (inquam) nos inter tanta charitatis Christi erga Deum, & erga nos propter Deum, incendia, torpescimus, gelascimus, rigescimus, & tales quidem infiniti sumus? vix aliqui, & admodum sanè pauci, qui vel modicum quiddam, de istis sempiternæ charitatis flammis concipimus atque fovemus. Ita nobis ex Redemptore nostro, pro nobis in cruce mortuo, patet ad omnem non tantùm salutem, sed etiam celsitudinem beatitudinis aditus, & via, nisi eam nostra nobis incogitantia, ingratitude, & peccatorum amor insatiabilis obstrueret.

MODUS

G: —
 Bi
 oper:
 Tom
 Ne
 57